

Suxestión dirixida ao Concello de O Rosal para que valore a posibilidade de crear colonias felinas e as autorice e acredite para o coidado diario, captura, esterilización ou-solta, e que de ser o caso, solicite a colaboración da Deputación Provincial.

Expediente: N.9.Q/4095/22

Santiago de Compostela, 5 de abril de 2023.

Sra. Alcaldesa:

Nesta institución iniciouse expediente de queixa como consecuencia do escrito-presentado por XXX.

ANTECEDENTES

PRIMEIRO: No seu escrito de queixa, a reclamante expón como motivo da mesma o seguinte:

“El ayuntamiento de O Rosal no se hace cargo de los gatos de la calle. Debería hacerse cargo de hacer el método CER. Es el único ayuntamiento que no hace nada para solucionar este problema. Hay muchos gatos abandonados y de colonias en la calle y no se hacen cargo.”

SEGUNDO: Ante iso requirimos informe a ese concello, que xa recibimos e no que, esencialmente, pon de manifesto o seguinte:

En relación á queixa presentada pola interesada XXX, cabe indicar que no Concello non constan datos sobre ningunha queixa nin escrito presentado XXX, polo que este Concello descoñece a situación sobre a que se lle require actuación ou investigación.

Por todo o exposto, cómpre facer as seguintes:

CONSIDERACIÓNS

PRIMEIRA.- A situación principal sobre a que versa a queixa é que, segundo manifesta a reclamante, o concello non se fai cargo dos gatos abandonados nas rúas e das colonias.

Neste contexto, convén lembrar e valorar a tarefa que están a realizar tanto os colectivos e asociacións protectoras de animais como a cidadanía en xeral a prol da protección e o benestar animal e en contra do maltrato animal que continúa a producirse.

En definitiva, que as actuacións das administracións han de estar en consonancia coa evolución da sensibilidade social nesta materia, como se recolle no propio texto normativo da Lei 4/2017, de 3 de outubro, de protección e benestar dos animais de compañía en Galicia.

SEGUNDA.- A tal efecto a citada Lei 4/2017, do 3 de outubro, de protección e benestar dos animais de compañía en Galicia, no seu artigo 5. Principio xeral, di:

“Todas as administracións públicas de Galicia cooperarán no desenvolvemento das medidas de defensa e protección dos animais incluídos no ámbito de aplicación desta lei e mais na denuncia perante os órganos competentes de calquera actuación contraria ao disposto nela.

No artigo 6. Competencias das administracións en materia de protección animal, prevé:

“1. Atribúese ás persoas titulares das alcaldías dos concellos de Galicia a responsabilidade superior na defensa e protección dos animais incluídos no ámbito de aplicación desta lei en cadanseu termo municipal.”

Artigo 26. Colonias felinas

1. Os concellos poderán establecer, conforme as condicións e os requisitos que se determinen regulamentariamente, lugares destinados a colonias felinas controladas, como un posible destino das comunidades de gatos sen propietario ou propietaria que vivan na rúa, sempre que as condicións do contorno o permitan, co fin da súa protección e control poboacional.

2. Os gatos integrantes destas colonias deberán ser capturados para a súa marcaxe, esterilización e control sanitario. A identificación realizarase a nome do concello, ao que lle compete a vixilancia e o control sanitario destas poboacións.

Disposición transitoria terceira. Establecementos de animais de compañía, adopción de animais abandonados, acollemento temporal e colonias felinas

Os novos requisitos e as medidas establecidas nesta norma para a entrega en adopción dos animais abandonados, o acollemento temporal deles e a creación de

colonias felinas deberanse adoptar no prazo máximo de dezaioito meses a partir da súa entrada en vigor.”

Por todo o exposto, en aplicación do disposto no artigo 32.1 da Lei 6/1984, do Valedor do Pobo, facer chegar a ese Concello de O Rosal a seguinte

SUXESTIÓN:

Que do xeito que considere oportuno e conveniente, en uso das súas competencias, valore a posibilidade de crear colonias felinas e previo acordo de colaboración coas asociacións de protección e defensa destes animais, as autorice e acredite para o coidado diario, captura, esterilización o solta, e que de ser o caso, solicite a colaboración da Deputación Provincial.

Agradecendo de antemán a acollida ao manifestado nesta resolución da Valedora do Pobo, recordámoslle a necesidade de que no prazo de un mes dea conta a esta institución da aceptación do recordatorio de deberes legais formulado, no seu caso, e das medidas adoptadas para darlle efectividade, tamén no seu caso.

Ademais, facémoslle saber que, en aplicación do principio de transparencia, a partir da semana seguinte á data na que se ditou a presente resolución, esta se incluírá na páxina web da institución.

Reciba un atento saúdo

María Dolores Fernández Galiño
Valedora do Pobo